



Gasvryheid

Dit is dr Tom Rainer van die Church Answers-navorsingsgroep se artikel oor gasvryheid wat my weer in die spieël laat kyk het. Die *Handwoordeboek van die Afrikaanse Taal* sê gasvryheid is om vriend en vreemdeling met hartlike gulheid te ontvang. Gasvryheid is onlosmaaklik deel van ons geloof en van kerkwees.

Die woord *gasvryheid* is 'n samestelling van twee Griekse woorde, naamlik *philo* wat “liefde” beteken en *xenia* wat “vreemdelinge” beteken. Gasvryheid is 'n liefde vir vreemdelinge. Dit is om 'n gevoel van goedgesindheid te hê en dit met woord en daad uit te leef. Soms beteken gasvryheid vir ons bloot om na binne om te gee. Dit sou niks anders as blote vriendelikheid wees nie. Om iemand by die kerk se deur te groet, is vriendelikheid. Gasvryheid sou wees wanneer ek 'n stap verder neem, met die persone 'n eerlike en opregte gesprek aanknoop, hulle innooi, vir hulle omgee en hulle spesiaal laat voel.

Hierdie bediening is seker een van die mees onderskatte missionale bedieninge van die kerk. Navorsing in die Afrikaanse kerke het aangetoon dat vreemdelinge nie eerstens oor die uitstekende Skrifgetroue prediking by 'n nuwe gemeente aansluit nie, maar oor die ervaring van opregte en eerlike gasvryheid. Ons hoor dikwels die woorde: Ek het sommer warm gevoel toe ek by hierdie gemeente ingestap het.

Christelike gasvryheid is onontbeerlik vir die liggaam van Christus. Dit is een van die mees basiese genadegawes vir die Christelike lewe. Ook moet ons nie dink dat die betoning van gasvryheid 'n uitsluitlik Nuwe Testamentiese gebruik is nie. Dit is reeds in die Ou Testament gewortel. Dink hier byvoorbeeld aan Abraham, die vader van die gelowiges – hy was by uitnemendheid gasvry. Hy het op 'n warm dag uit die koelte van sy tent opgestaan, drie vreemdelinge gaan verwelkom en hulle laat rus, eet en drink. Eers later het hy besef dat hy die Here self onthaal het (Gen 18)! Met verwysing na hierdie insident sê die skrywer van Hebreërs: *Moenie nalaat om gasvry te wees nie, want deur gasvry te wees, het sommige mense sonder dat hulle geweet het, engele as gaste gehuisves* (Heb 13: 2).

Gasvryheid kan net vir ander tot 'n seën wees as dit betekenisvol is. Dit het 'n tweeledige doel. Die doel van gasvryheid teenoor Christene is om hulle te laat deel in die gemeenskap met Christus. Johannes skryf dat ook *julle aan die gemeenskap deel kan hê. En die gemeenskap waaraan ons deel het, is dié met die Vader en met sy Seun, Jesus Christus* (1 Joh 1: 3). Ons moet daarna streef om die geestelike en maatskaplike nood van ons mede-Christene raak te sien.

Hoe kan ons vriendelikheid tot gasvryheid beweeg?

Sorg dat daar meer vir gasvryheid begroot word. Gasvryheid word nie gesien as 'n uitgawe nie, maar as 'n belegging in die missionale bediening van die gemeente. Gemeente Zuurfontein het 'n ruim begroting vir goeie koffie. Daar word voor en na kerk met goeie koffie in die hand saam gekuier. Dié omgee-saamkom is die hartklop van 'n klein middestadgemeente se bediening.

'n Gasvrye gemeente sal nie hul sosialemediateenwoordigheid afskeep nie. Zuurfontein het in die eerste vyf maande van die jaar 73 000 unieke besoeke om hul webblad aangeteken. Meer as 'n 1 000 lede op die Facebookblad. Op hierdie manier dra die klein gemeente die evangelie die hele wêreld vol. Dit is mos missionaal.

Maak seker dat die gasvryheidskomitee die omgee van die gemeente weerspieël en lei met voorbeeld. Gasvryheid is 'n geleentheid en gemeentes moet seker maak dit word nie 'n verleentheid nie. Hierdie bediening kan die kerk help om 'n impak in die stukkende wêreld te maak.

**Dr JG (Hannes) Janse van Rensburg, Gemeente Zuurfontein
SGB: Interim-fasiliteerder en konsultant**

Om *Blitspos* te ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan produksie@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Lief en leed

- **Mev Magriet van den Berg**, vrou van ds Herman van den Berg (Elandspoort), sterk tans tuis aan na 'n hartomleidingsoperasie. Ons bid haar spoedige en algehele herstel toe.
 - Die Bybelgenootskap van Suid-Afrika nooi almal hartlik uit na 'n **Dankfees ter viering van die 90ste herdenking van die Afrikaanse Bybelvertaling op Sondag 27 Augustus om 15:00 by die Voortrekkermonument in Pretoria**. Bevestig aseblief teen 11 Augustus per e-pos na rhoda@biblesociety.co.za of u die geleentheid gaan bywoon.
- 
- **Die volgende predikante verjaar tot 4 Augustus, en word hartlik geluk gewens:**
 - Saterdag 29 Julie: Ds A (André) Thomas (54) (Oos-Moot)
 - Sondag 30 Julie: Di PWAN (Pieter) Bester (50) (siekte-emeritaat), SJ (Sarel) Oosthuizen (61) (Stilfontein-Wes) en DW (Danie) van der Watt (67) (emeritus)
 - Maandag 31 Julie: Dr JH (Jan) Vorster (66) (emeritus)
 - Vrydag 4 Augustus: Di JJ (Jan) Claassen (56) (Naboomspruit) en PS (Stephan) van Tonder (70) (emeritus)

Gemeentes en bediening

- Enige saak wat volgens die Kerkorde onder die aandag van die **Moderamen** gebring moet word, moet mev Karen Breedt (karen@nhk.co.za) asseblief **teen 7 Augustus** bereik **vir 18 Augustus** se Moderamenvergadering. **Geen laat sake** sal in die agenda opgeneem word nie.
- **Dr DJC (Daan) van Wyk (jr)** van Ebenhaëzer het 'n beroep ontvang na Lichtenburg.
- Die NHKA het 'n **vakature** vir 'n **Ouditklerk by die Sinodale Dienssentrum** se Ouditafdeling in Pretoria.

Posvereistes

- Matriek.
- Verdere kwalifikasie of opleiding sal 'n aanbeveling wees.
- Kennis van SAGE One en/of Pastel sal 'n groot aanbeveling wees.
- Rekenaarvaardig in ten minste Microsoft Office.
- Ten volle tweetalig.
- Geldige rybewys.
- Vermoë om finansiële state op te stel en te interpreteer.

Vaardighede

- Pligsgetrouheid.
- Vermoë om as lid van 'n span te funksioneer.
- Goeie kommunikasie- en organisasievaardighede.

Onderhandelbare salaris met normale diensvoorwaardes. **Die sluitingsdatum vir aansoeke is 31 Julie 2023**. Aansoeke met CV moet gerig word aan mev AW Short, Posbus 2368, Pretoria 0001; of e-pos annelie@nhk.co.za. Navrae: 012 322 8885.

- **Gemeente Philadelphia** het 'n vakature vir 'n **terreinbestuurder**. Belangstellendes kan 'n e-pos stuur aan dr Sanrie de Beer by nhkphiladelphia@gmail.com.
- **Werkruimte vir voltydse bediening: Gemeente Weltevreden**. Gemeente Weltevreden in die ring van Roodepoort beskik oor 'n vakante werkruimte vir 'n voltydse predikant. Die traktement en ander voordele geld volgens die aanbevole skale van die Kerk. Aangesien die gemeente vir toekomstige volhoubaarheid in 'n jong predikant wil belê, sal voorkeur verleen word aan predikante met 10 jaar of minder diens. Predikante wat belangstel om na die



Dr Daan van Wyk (jr)

gemeente beroep te word, kan 'n verkorte CV stuur **aan beide die skriba**, ouderling Danie Jansen van Rensburg, by dokdanie@vrnet.co.za, **en die viseskriba**, ouderling Nelius Tolmay, by neliust@me.com **voor 28 Julie 2023**. Die kerkraad wil graag die beroep van 'n volgende predikant voor 31 Augustus 2023 afhandel. Die kerkraad is nie verplig om een van die aansoekers te beroep nie en behou die reg voor om die lys van kandidate na die sluitingsdatum te verklein of te vergroot, en mag selfs ander kandidate nader.

- **Werkruimte vir voltydse bediening: Gemeente Kempten.** Gemeente Kempten in die ring van Zuurfontein beskik oor 'n vakante werkruimte vir 'n voltydse predikant. Gemeente Kempten is 50 jaar oud en die gemiddelde ouderdom van lidmate is 45 jaar. Die visie van die gemeente is om te groei. Daar sal voorkeur verleen word aan predikante met **ses jaar of minder diens**. Die gemeente beskik oor 'n ruim pastorie. Predikante wat belangstel om na die gemeente beroep te word, kan 'n verkorte CV stuur aan die skriba, oudl Celma Channing, by celma.channing@gmail.com, **voor 18 Augustus 2023**. Die kerkraad is nie verplig om een van die aansoekers te beroep nie en behou die reg voor om die lys van kandidate na die sluitingsdatum te verklein of te vergroot, en mag selfs ander kandidate nader. 'n Aanstellingsdatum sal met die suksesvolle kandidaat bespreek word.



Vergaderings

- Donderdag 27 Julie: ADV Finkom
- Vrydag 28 Julie: Beleggingskomitee
- Saterdag 29 Julie: NHSV Dagbestuur
- Vrydag 4 Augustus: Oudit- en Risikokomitee

'n Gedig

Koue oorlog

Eers was net die water koud
wat uit die warmwaterkraan gekom het
sodat my pa nie kon skeer nie
Maar toe wou die oond nie warm word
toe ma wou soetkoekies bak nie
Na twee uur het my gefrustreerde suster
met nat hare en krulpenne
onder die droër uitgeklim
Toe het ek die gordyne oopgetrek
om te sien wat aangaan:

'n Stalagtiet van ys het van die son afgehang
tot op die aarde

Stephan Bouwer

(Uit: *So sal ons uitpasseer*, 1969)

Kerklke en ander publikasies

- Die **2022-uitgawe (Jaargang 10)** van die *Tydskrif vir Hervormde Teologie (THT)* handel oor **Hervormde Kerkreg**. Die outeur is **dr Barry van Wyk** (emeritus/Warmbad). Die volledige pdf is op die Kerk se webblad beskikbaar, en die gedrukte boek kan teen R120 per eksemplaar (versending uitgesluit) bestel word van mev Sarie Roux by boekwinkel@nhk.co.za. Daar is ook nog eksemplare beskikbaar van die **2021-uitgawe (Jaargang 9)** oor **Skrifbeskouing**, waarvan **prof Wim Dreyer** die eindredakteur was, teen dieselfde prys.

Toerusting

- Lees **hier prof Natie van Wyk se artikel** *Thomas Hobbes: "Die mens is 'n wolf vir sy medemens"*. Hy skryf dat die Engelse filosoof Thomas Hobbes ons aandag verdien, aangesien sy staatsfilosofie vir ons, hier in Suid-Afrika, goeie stof tot nadenke bied. Hy wonder of Hobbes nie dalk die uiteindelijke oplossing bied nie vir ons land wat stuk vir stuk deur wolwe verwoes word.
- Ouderlinge kan gerus die **Hervormde Teologiese Kollege (HTK) se webtuiste** besoek. Gaan na <https://hervormdeteologie.co.za/ouderlinge/> vir inligting oor **gevorderde toerusting vir ouderlinge**. Tans verskyn daar reeds YouTube-skakels, PowerPoint-aanbiedings en Word-dokumente van Module I – *Die fasilitering van 'n erediens (ds Hannes van der Merwe)*; Module II – *Hoe berei predikante preke voor (dr Gerhard Nel)*; en Module III – *Die aanbied van 'n preek (prof Yolanda Dreyer)*. **Prof Stephan de Beer** se aanbieding van 29 Mei, *Hoe om jou gemeenskap beter te verstaan*, is ook daar beskikbaar. Laasgenoemde kan ook direk by <https://youtu.be/TnQNNDxzmP4> afgelaai word.



Vir ouderlinge: Gevorderde toerusting in pastorale vaardighede
Module II – Die kuns van goeie gesprekvoering
Deel I – 31 Julie 2023 om 19:00 (Zoom)

**Aanbieder –
Dr Johan Bester**

<https://us02web.zoom.us/j/9427689935?pwd=d3d3K1NlcDU0a1pIZCtjSS9ZSFY4dz09>
Meeting ID: 942 768 9935
Wagwoord SGB

- Daar is verskeie **ouer video-opnames** wat steeds relevant is op die Kerk se webblad beskikbaar. Een daarvan is die program waarin **ds Janine Bevol-Manders** met kundiges gesels het oor die tema *Ouers met kinders in die buiteland*. Gaan na <https://youtu.be/uWipUsFMbRM> om na dié program te luister. By <https://youtube.com/channel/UCZpPHQm8XpBoPZI4tJ9SFWQ> is nog verskeie ander YouTube-video's beskikbaar.
- **SAKOV 2023: Streekbyeenkoms**
Johannesburg, Wes-Rand en Oos-Rand
Saterdag 12 Augustus, 07:45 vir 08:30
Uitnodiging aan SAKOV-lede, orreliste, leraars, musiekleiers en ander Gereformeerde Kerk Noordrand
Landhuisstraat 1129, Allensnek
R150 (nie-lede), ingesluit by lidmaatskap
Tema: Lof-en Dankviering
Voorlopige program:
 - Samesang met orrel, viool, klarinet en skuiftrumpet.
 - Idees uitruil oor lof-en dankliedere, asook koraalvoorspele.
 - Werner Retief bespreek van sy orrelverwerkings.
 - Publikasies vir orrel.

- Gaskunstenaar: Wie kan dit wees?
- Nuus vanuit SAKOV se uitvoerende komitee.
- Klein maar heerlike verrassing vir elke orrelis.

Registreer asseblief: Klik op <https://forms.gle/ZCqecgae6GZS7cqX9> om die aanlyn inskrywingsvorm te voltooi. **Die sluitingsdatum vir alle inskrywings is Vrydag 28 Julie 2023.** Geen betalings sal die oggend van die byeenkoms aanvaar word nie. Alle gelde moet direk in SAKOV se bankrekening inbetaal word. Stuur kopie van depositostrokie per e-pos na danprett@gmail.com as bewys van betaling.

Bankbesonderhede: SAKOV; ABSA (tjekrekening); 0290810574; tak Brooklyn (632005); verwysing: JHB + U VAN + U GEMEENTE (BYVOORBEELD: JHB-CALITZ-GK MOOIVLEI)

- **Kerkargief-konferensie: Woensdag 23 Augustus 2023**
NGK Vrystaat in Bloemfontein
Oor enkele van ons kerkfamilie se mees historiese dokumente
Ouditorium van Oorlogsmuseum in Bloemfontein
R250 per persoon
Met proff Erik de Boer, Dolf Britz, Johann Rossouw en Lindi Koorts
Drr Jurie van Wyk, Gideon van der Watt, Francois Smith en ds Jan Lubbe
Registreer by Helena Smit 051 406 6725 / argief@ngkvs.co.za
Navrae: Ds Jan Lubbe 082 784 9362 / janlubbe1964@gmail.com

Studentesake

- **Studentebehuising. Gemeente Stellenbosch** kan veilige behuising op die kerkterrein en op die kampus aan studente verskaf. Dit bestaan uit óf enkelkamers met gedeelde fasiliteite, óf eenmenswoonstelle. Skakel dr Chris le Roux by 079 495 3239 of stuur 'n e-pos na stellenbosch@nhk.co.za vir meer inligting.
- **Studentebehuising. Gemeente Philadelphia** verskaf aan studente veilige behuising by Fleur de Lis op die kerkterrein. Dit bestaan uit enkelkamers met gedeelde fasiliteite. Die behuising is binne stapafstand van die kampus en winkelsentrums. Skakel dr Sanrie de Beer by 083 226 1866 of stuur 'n e-pos na nhkphiladelphia@gmail.com vir meer inligting.

Fondsinsamelings

- **Gemeente Wonderboom: Basaar**
Saterdag 29 Julie van 09:00 tot 13:00
Heerlike *jaffles*, kerrie-en-rys, pannekoek, pap-en-kaiing, ens
Verskeie uitstallers en 'n springkasteel vir die kinders
Troeteldiere welkom!
Skakel 083 255 2082 vir meer inligting
- **Gemeente Sionspoort: Vleisfees**
Saterdag 5 Augustus vanaf 08:00 tot laat
By die Tuinhekkie net buite Randfontein
Bernice West, AJ de Vos, Anton Botha, Van West, Tanya V
en talle ander kunstenaars tree heeldag op die twee groot verhoë op
Baie pret en speletjies vir die kinders
Meer as 250 uitstallers sowel as 'n jeuglandbouskou, plaasdiere, lugballonritte,
pom-poms, 'n toutrekuiddaging, 'n veteraanmotorskou, demonstrasies
en vele meer
Kom geniet die lekker saamkuier, heerlike eetgoed en baie aksie
Skakel 082 464 1547 of besoek *Sionspoort* op Facebook
- **Gemeente Hartebeestpoort (Brits): Bergfietswedren**
Saterdag 5 Augustus vanaf 07:00
Keuse van 3 afstande: 36 km, 91 km, 156 km

Plek: Brits-vliegveld
Aanlyn inskrywings kan gedoen word
Tydhouers van buite af en kontantpryse

Navrae:

Ds Corlien van der Merwe 083 654 8154
Eliska by Hartebeestpoort-kerkkantoor 012 252 4315
Michiel Ras 072 605 1393
Mias van der Merwe 083 320 2466

Webwerf vir meer inligting en inskrywings:

<https://bosveldmtb.nhkhartebeestpoort.org.za/>

Ook onder "Bike Hub"

Of soek op webwerf vir "Bosveldmtb"

• **Gemeente Oos-Moot: Magaliesfees**

Woensdag 9 Augustus van 08:30 tot 14:00

Vanuit die duister na die Lig

Collinslaan 1265, Môregloed

MC en kunstenaar Gary Forwood

Plaasstal, witolifant, koektafel, teetuin

Babakompetisie en springkasteel

Kerrie-en-rys, *jaffles*, pannekoek, poeding, roomys

Verskeie aktiwiteite, soos Venter-wielomruil, kettieskiet, ens

Navrae: Andries Pretorius 081 466 8691

NHK SWARTKOP
GOLF DAY
Centurion Country Club 18 AUG '23

R4 500 per 4Ball
Includes:
- Green fees,
- Carts
- Halfway
- Dinner & prizes

R1 000 - Sponsor a hole
with or without personality!
Any donations welcome!

Please book your entry on the
link below
[https://paylogic.co.za/paylogic/
c/pay.aspx?refno=Golf](https://paylogic.co.za/paylogic/pay.aspx?refno=Golf)

Lorna-Marie
083 399 5122

Stephan
082 341 1438

10:00 Registration
11:00 Shotgun Start
18:00 Prize-giving and dinner

Better Ball Stableford
8 Nearest to the pin
15 Longest drive

We look forward to this day and appreciate your attendance!

• **Ondersteun Rata Maatskaplike Dienste se Gholfdag op Dinsdag 22 Augustus 2023 ten bate van kinderbeskerming.**

- Pryse vir ons dapper spelers – erkenning word aan alle donateurs op ons webblad gegee.
- Skryf 'n span in.
- Borg 'n putjie.
- Borg 'n sorgpakkie vir kinders of vir babas wat verwyder word uit haglike omstandighede en tydelik in veilige bewaring geplaas word.

Rata Maatskaplike Dienste is gebore uit die NHKA en werk deur die jare onverpoos voort om kinders uit moeilike omstandighede te red en aan hulle die nodige beskerming en statutêre dienste te bied, asook om die moeisame pad na heelwording saam met hulle te stap. Die koste daarvan beloop ongeveer R10 000 per jaar per kind. Rata help elke jaar meer as 1000 kinders wat in omstandighede van mishandeling, verwaarlosing en selfs situasies van kinderhandel vasgevang is.

Stuur 'n WhatsApp na 064 437 5997 met die woord **Gholfdag** en u naam vir meer inligting.

• Daar is 'n geleentheid vir 'n gemeente of individu om by die nuwe **Centurion Boeremark op Saterdag** pannekoek en/of *jaffles* te verkoop. 'n Stalletjie kos R250 per Saterdag.



Deposito R250 eenmalig en sertifikaat van Tshwane vir kosverkope eenmalig R920. Kontak Christo Potgieter by 072 737 3644.

- **Oornagfasiliteite: Seniordal.** Seniordal beskik oor oornagfasiliteite vir persone wat vergaderings of kongresse moet bywoon, of wat dokters moet besoek, of verblyf benodig vir familie van persone wat in die hospitaal is. Daar is veilige parking en 24-uur-sekuriteit. **Vir navrae oor tariewe en vir besprekings**, kontak Salomie Stolz gedurende kantoorure 08:00-12:00 by 012 329 4318, of na ure by 083 308 0520.

Barmhartigheid

- **Belfast Rusoord** bied onder meer 24-uur mediese versorging, CCTV, 24-uur-toegangsbeheer, drie gebalanseerde maaltye per dag, en aktiwiteite vir elkeen. Daar is fasiliteite vir semiversorging, verswakte bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / manager@belfastrusoord.co.za vir meer inligting en tariewe.
- **Athalia Uitrek in Bloemfontein** bied verblyf vir en versorging van bejaardes en persone met gestremdhede. Daar is enkel- en deukamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / navrae@athalia.co.za / www.athalia.co.za.
- **Louis Trichardt-behuisingskompleks vir bejaardes** in Danville, Pretoria, bied kamergeriewe met twee etes per dag teen R3 850 per maand. Vir meer inligting, kontak mev Vicky Muller by 012 386 5310.
- **Ons Tuis (Andries Marié Oosthuizen) in Parys** het plek beskikbaar in die tehuise vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.
- **Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:

Enkelwoonstel (*bachelor*): R495 000

Eenslaapkamer: R515 000

1½-slaapkamer: R520 000

Tweeslaapkamer: R560 000

Kontak Salomie Stolz by 012 329 4313 of 083 308 0520 vir meer inligting.

Allegaartjie

Die één groot universele waarheid – ongeag vanuit watter godsdienstige of filosofiese oogpunt jy die lewe bekyk – is dat elke dag net genade is. Niks is verdiend nie, daarom moet ons vir mekaar goed wees. (Prof Lizette Rabe, in *Bruis*, Julie/Augustus 2023)

Betaalde advertensies in hierdie nuusbrieff

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrieff geplaas word. (Tekskennisgewings van gemeentes is gratis.) Indien 'n jpg-weergawe van die advertensie voorsien word, moet dit **15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan mev Tessa Oppermann, per e-pos na produksie@nhk.co.za. GEEN advertensie sal geplaas word sonder die betalingsbewys nie.

Die **teks en bewys van betaling** moet mev Oppermann bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

Die koste is R250 per plasing (BTW ingesluit). Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

Wintergebed

Heer,
in die hart van die winter,
terwyl dit koud is en die wind om die hoeke huil,
herinner ons aan die warmte van u liefde.

Nou, terwyl die dae kort is en die dag later breek,
en dit vroeg skemer word,
herinner ons dat u lig steeds helder skyn in die donker.

Wanneer 'n somberheid oor ons lewens neerdaal,
raak ons aan, Here,
sodat ons die warmte van u liefde kan ervaar
en u lig kan sien –
die enigste lig wat die duisternis in ons gemoed kan verdryf.
Amen.

columban.org
St Columbans Mission Society

(Afrikaanse verwerking: Tessa Oppermann)

